

S. T. Rand
Halifax 1888

41476

1073185

THE ONLY PLACE OF SAFETY.

TAN TĒT PASŪK ĀHK OOHŚŪTOGŪN.

TAN tilesip' Nikskam kēdoogadōk oosanēk makumegēgū, ajegadōksūp oohsūtōgūn oochit' tan tasilije ēledasooltilije ooteninkū. (Gen. 6: 14-18.) Na tēlēāgūnoodāsik, Beibūl iktook: "Tokoo Nikskam ālāb'ūnūl Nooahūl': Okēspegāwāūmooōl' 'msit 'mteeninūl egaagūl nooskalook. Mūdū oositkūmoo' wējuhchooeāk' āchkūnodēgēmkāwā iktook, nēgūmow' oopogwōdākūnoow'. Na oochit' toolāoose, āooāān ūpkooāyā' kūmooch'. Poktūskasigūl ledoo ūktoolkū, ak lāmipkoogwōdāān ak ooskijipkoogwōdāān. Ak na tūldoolādāān: Seest kūskimtūlnākūn mooskūnigūn egalooch tūlepedoolkūch, ak naninskaak tās mooskūnigūn egalooch tūliskoolkūch; ak nāsinskaak tās mooskūnigūn egalooch tūlēspoolkūch. Ak tooōbootea'sido; ak kagūn pūmēlkoodook ledoodūks'; ak seest leganedo'. Ak, ankaptāān neen, amooch neen, egadoodēs' oohsaan makūmegēgū, 'msit 'nnābādoon' 'mtēn'inūl tanūl 'msit ētlekamlamigūl, tan tēlkeek oositkūmook'. Ak 'msit kogooāal tanūl oositkūmook' ahkūl, 'npūtūl. Kadoo keel ūktenink mūlgigūnāwadoodēs' 'nkesāgūnoodūmūmkāwāūm, ak keel tēba'sedūks ūktoolk', keel, ak ēlp ūkwisk', ak ūktā'bitēm, ak ēlp ūkwisk' ootābitēmooōh' mowwe-tēbeda-dōksūp. Ak 'msit tanik memājooltijik, 'msit tan tēle-kakeiyese-milamook-soolteedich, etaboosooltedāk', tanik nāooiktā' tēlamooksijik, nābāoo ak ēskwāoo mowwe-tēba'lādūks ūktoolk', ūkwije-memājooltinowū."

Na na tēladēgēp' Nikskam tan tilesip' kēdooiksūgadōk oositkūmoo' oohsaan iktoogū; na tēlitploomabūnegū Nooahōū, ak tēlekeskajadōksūbūnēk' oohsūtōgūnāēk' wēnjoolkēk' oochit' oohsūtowwean' tane kēdlāmsūtūmoodilibūne, ak ēlēgāsooltilibūne ooteninkū. Ak ēnkoodā nūgāā tēlēkeskājaadōk oohsūtōgūn oochit' tan tāsilije tane ēliktlām-sūtūmoodilije Ookwisk' Sāsoo Gooleēgū. "Mūdū Nikskam kesetēpkesaadōk naagwēk tan ilsooto oositkūmoo' kokwōja'dakūn iktook." "Mūdū moo nēdāgāoo oochit' wooleāgūnoo-

dūmākūn," (teiooēt Pōl, āpostālāwit,) "mūdū Nikskam' oomūlgigūnōdim na, oochit' oohsūtōgūn, 'msit wēn ootenink tan kēdlāmsūt'k." (Rom. 3 : 24 25.) "Mūdū 'msit tan tāsijik padadakadibūnik', ak nooda'būnik Nikskamūl ookoopmedā'dākūnūm. Kadoo tūlea' moo tēdoojipkwodoo'dik, wējekokwōjedā'lūmooksooltijik oowoolaltimkāwāūmk oola' abat-ēlādimkāwā' ikook tan Sasoo Goole ootenink āhk."

Na oona'gwēmkiil Nooahōk pasūk nāooktāāchkūsūnēk' oohsūtōgūnēk', nūt na, ootoolk'; ak nūgāā nāooktāāchk' pasūk oohsūtōgūn wasogawāū; Sāsoo Goole ootenink na. "Mūdū" (Niskam na tēlooet,) "mogwā' āhtūnook oohsūtōgūn ūktūk ootenink," [pasūk Sāsoo Goole ootenink,] "ak mogwā' āpch oositkūmook' nēspe-ignūnūmooēdūmūk wēsoon iktook āboonāāk wasōk, kūсна' memājooenoo iktook, tan kesuhsūtowoolkoos." 'Msit tankik tēppooltibūneek Nooahōk ootoolk' wēstadibūneek. Ak nūgāā oohsūtōgūn ākk Sasoo Goole ootenink oochit' 'msit wēnik tanik kēdlāmsūtūmoo'dijik oowesoonūm iktook, oomūsūnūmūnow' abiksiktādimkāwā' occhit' ootūlooāwoodewōl' ootabiksiktāsinū'."

Mow wēn kesinpoonsūp tan tēppip Nooahō ootoolkū. Mūdū Nikskam kēpsūgabūne nadāālū, ak ankwāooābūne. Na tēlāāk nūgāā, 'msit wēnik tanik āūmoodijik Sāsoo Gooleūl' ooteninkū, nūt na tanik ēliktlāmsūtūmoodijik, ma apchiksūgaagwik, mūnaa apchoo wēnmāje-ilsoodaseek, kadoo kes seowtēskūmeedich 'npooōkun iktook meesokoo memājooōkūn iktook." John 5 : 24.

Tan ba wēn tēlnūmāp' tan moo tēppikw Nooahō ootoolk', nēpkūs : sām'oogwōn nābaasūp. Na ēnkoodā nūgāā tan ba wēn tēleoolmūdōk' kūсна' tan tēlewinmūdōk', moo ēlēgāsikw Sāsoo Gooleūl ootenink, kēskaat. Mūdū Nikskam ookūlooswōk'ūnūm tēlooēk' : "Nēgūm tan moo kēdlāmsūtūmook, nūgāāch wēnmās'oomoot, mūdū moo kēdlāmsūtūmookw Nikskam nāooktoobistājūl Ookwisūl oowesoonūmkwū."

Nōoahōk kēdlāmsūtūkūs oohsaan ookoodooe-chooēanū, mūdū Nikskamūl tēlimsūb'ūnūl ōokoodooechoogoōēanū, tūlea' mogwā' nēmedooksūp kogooā kenogwōsoode, tan kogooā' kēdoootūlaasikū. Stūgā' tan tēlooēk' Nikskam ookūloos-

wōk'ūnūm, nūt na: "Nooahōk ūktlamsūtooōkūn iktook kegenooā'-doodūnōk' oochit' tanūl kogooāal moo māch nēmedāsinoogūnigūl, wējewāgwōdasisūnōk', tokoo ēdoo'/lis-ūnōk oochit' oosūtaadoon tan tēlikjiksooichū, oochit na wēnmājeilsootkūs oositkūmoo', ak wētālegēmīs oola' sābāwoode tan wėjeāk' ūktlāmsūsooōkūn iktook', (Heb. 11: 18.) Na Nikskam wēnmāje-ilsootkūp oositkūmooū.

Meamocch' ēdook' chiptook na memājooenoogwik malegedādūm-adedoog'ūnūl; chiptook ēdook' tēlooēdoogūnik: "ēloowāweēt' na kesegoo, Nooaahū, ak eonāseēt', āweieēt', tan ētūldoolit kākoodūnoogū." Mogwā' mēmedoodiksūp tan kenoogwōdigūnigūp oochit' oosaanū. Na nāāgow tēlesēspēnōksijik, mijesooltijik, paboltijik, wēskāweda'sooltijik, nā-ooktoomkwōndijik, mātūndooltijik; moo sēspēdādūmoodeekw Nikskamūl ookūlooswōk'ūnūmū.

Chiptook ēdook' tēlooējik: Nikskam moo tēle-neganeāgūn-oodūmook'. Eksooogūn na: pasūk ēloowāweēt' kesegoo ookūlooswōkūnūm: pasūk papedakūnik' oochit' kenoo: na chiptook' ēdook' wējikhsūgāweda'sooltijik, ak mowwe-tūle-mālegima'dijūl Nooaahūl tanūl moo kēdoowedoogwōligool tan tēlesēspēnōksoolteedichū.

Na nūgāā nāooktā' tēleāk'. Wēg'ūla tanik kēdlāmsūtūm-ooaadich Nikskamūl ookūlooswōkūn tan tēlooēk' oola' oositkūmōō' pēmekesemānik ooltilsoodāsīnū, wējemālegimoojik wēg'ūla' tane moo nemedoodikw kūnoogwōsoode oochit' ilsoodākūnegiskūk, ak tanik kekāje-sēspēnōksijik. Kadoo tan tilesip' mēdooāāgēk ilsoodākūnēk' egagēk, wēg'ūla' nēgūmow tankik kēdlāmsūtūm'dib'ūnūl Nikskamūl, ētlusūtāsūneekū. Nooaahūl' ootoolkū. Kadoo nēg'ūla' tankik mālegedādūmo-aadip Nikskamūl ookūlooswōkūn, ādūbūnāgweedip oohsaanū, ak ētlinpūgeek lāmpōgū. Ilsoo'dakūn wisku' egaagūp ooteenāwōk āskw pēmesēspēnōksoolteededēgū. Ankaptāān, tan tēlooēk' Nikskam ookūlooswōkūn: "Na oochit', āchkenātoot', oochikchijedookw' wējipsūdoonāsik oot cheenūm Sāsoo Goole ootenink kelow' ūktenāwōkū, ūloowāwoodeel ootabiksiktāsīnū; ak ootenink wėje-kokwōje-dāālūmook-sooltijik 'msit tanik kēdlāmsūtūmoodijik, tanik moo kese-kokwōje-dālūmook-soolteekw oochit' Mooes ootūbloodākūnūmkū, Na oochit' ānkwāāsooltikw chēl moo eganooch ūktenāwōk oola'

kūlooswōkūn neganik-chijetegāwenooā', nūt na: "Kelow', booske-alwōptakadeyōk'! Ankaptūmookw', ak kakeiksūga'-dāsooltedōksūp! Mūdū neen ēlookwōdūm, tēlooet Nikskam, loogowōkūn ūknagomooow' iktook; loogowōkūn tan ma ūkt-lāmsūtūmooōk', tūleaa wēn pakeiāgānoodūmoolōk'.

Na Nooahōk oonaagwēgūmkūl taboonēmigeēbūneek memājooenoogwigū. Nānoktoonāmiksitkik kēdlāmsūtūmooaadh Nikskamūl ookūlooswōkūn; ak nēgūla' nēgūmow' wēstaałosūneek, kadoo nēgūlā' ūktūgeek moo kēdlāmsūtūo'-degoobūneek, ak nēgūmow' moo wēstalāmīgūbūneek kadoo sāmoogwōnēk' nābagweedibūnēk'. Na nāooktā' nūgāā pēmetūleāk'. Mowwepegwēlkik moo sēspēdādūmooadigool Nikskamūl ookūlooswōk'ūnūmūl, ak pēmēledādūmeedich āpchoosūtōgūn Kadoo alt tēgālāādijik kēdlāmsūtūmooa'dijūl Nikskamūl ookūlooswōk'ūnūmūl, ak ēlegāsooltijik Sasoo Gooleūl ootenink, ak nēgūmow' wēstājik, ak ūleda'dāk wasōk. Kadoo aagei oochit' ūktūgik 'msit tan tāsijik, mūdū Nikskam lōk ēloowēdūmāsit ootūledanow' mūdooagigū.

Na oochit', ūchkenatoot, pasūk taboonēmiksijik āūmoodijik oositkūmoo'gū; nūt na tanik wēstājik ak tanik moo wēstaakw. Kā! ādāsu wēn kenoo pebanimsooltenēch', eenech: "Tame ēdook neen ētleweedoogwei? Edōōk' nūgāā tēppe Nikskam ootool'?" nūt na, Sāsoo Goole ootenink, kūсна' moo?" ūsedā'lūmikw 'ntēpkese-pebanemoolinow': Tālāāk keel ūktenink? Edāmool moo ūkpēbēle-dā'dūmūn oohsūtogūnā' āgūnoodūmākūn tan Sāsoo Goole oomāldēmktūlā'. Moo pāl ūktegadoo kūlābis' sabonook, kūсна' mā ājenaagūk. Mūdū Sāsoo Goole wējūhskwimksw' ookūlooswōk'ūnūn iktook, tēlooēt: "Keskok' jiksūtūmooōk' ookūlooswōk'ūnūm, moo ūkmūlgadoop ūkamlamoonooōl'." "Ankaptān, nūgāāch ētletētpūgaak! nūgāāch oohsūtogūnā' naagwēk!" 'Msit wēn sooadooch oohsūtogūn āpchooāwā tan tlesip' Sāsoo Goole wēledāatk ak kēsepawōtk' ūktigūnūmagoonū. Tokoo wooleda'sidūks ak woolādūks yāpchoo ak, yāpchoo, "Kadoo kenoo tāluhsūta'goobūn pēbēledādūm-oogoosūn tan tēlimsūgeek oohsūtōgūn?" "Mūdū tālabēsis memājooenōō' kaneāwich 'msit oositkūmoo ak naach oochejakūmijūl? kūсна' kogooā' memājooenōō' Igūnūmooēdoodo' oochejakūmijūl ootabajimsūnanū?"